

Na osnovu člana 23 Statuta Brčko distrikta Bosne i Hercegovine, Skupština Brčko distrikta Bosne i Hercegovine, na 100. sjednici održanoj 30. septembra 2004. godine, usvaja

## **ZAKON**

### **O IZMJENAMA I DOPUNAMA ZAKONA O PAPIRIMA OD VRIJEDNOSTI**

#### **Član 1**

U Zakonu o papirima od vrijednosti ("Službeni glasnik Brčko distrikta BiH", broj: 15/03), poslije člana 54, dodaje se novi član 54a koji glasi:

#### **«Član 54a**

1) Predsjednik, zamjenik predsjednika i član Komisije za papire od vrijednosti Brčko distrikta BiH ima pravo na godišnji odmor od trideset (30) radnih dana tokom kalendarske godine.

2) Ukoliko predsjednik, zamjenik predsjednika i član Komisije prezentuje dokaz o nesposobnosti da obavlja svoja prava i dužnosti zbog bolesti i nesreće, automatski ima pravo na bolovanje u skladu sa važećim zakonskim propisima.

3) Bruto plaća predsjednika, zamjenika predsjednika i člana Komisije utvrđuje se u procentualnom odnosu između bruto plaće gradonačelnika i bruto plaće predsjednika, zamjenika predsjednika i člana Komisije, zatečene na dan stupanja na snagu ovoga zakona, a osnovica za obračun je bruto plaća gradonačelnika.

4) Predsjednik, zamjenik predsjednika i član Komisije ima pravo na naknadu svih materijalnih troškova koji su nastali kao rezultat obavljanja funkcije i druge naknade pod uslovima i u iznosima propisanim za zastupnike Skupštine, te javne službenike i namještenike organa uprave Brčko distrikta BiH.

5) Na kraju obavljanja funkcije predsjednik, zamjenik predsjednika i član Komisije ima pravo na prijelaznu novčanu naknadu, pod uslovom da je funkciju obavljao najmanje jednu punu godinu, a u iznosu plaće koju je imao u periodu obavljanja funkcije.

6) Period isplaćivanja prijelazne novčane naknade će biti tri (3) mjeseca i počinje nakon mjeseca u kojem se funkcija završila. Period isplaćivanja će se nastaviti po jedan mjesec za svaku punu godinu obavljanja funkcije nakon isteka jedne pune godine.

Ostvarivanje ovog prava će prestati:

- protekom vremena propisanog prethodnim stavom ovog člana,
- na kraju onog mjeseca u kojem je predsjednik, zamjenik predsjednika i član Komisije primio plaću za svoj rad ili je ostvario pravo na penziju.

7) U slučaju smrti predsjednika, zamjenika predsjednika i člana Komisije, pravo na prijelaznu novčanu naknadu prestaje na kraju mjeseca u toku kojeg je bivši predsjednik, zamjenik predsjednika i član Komisije preminuo.

8) Po okončanju mandata, lice koje je obavljalo dužnost predsjednika, zamjenika predsjednika i člana Komisije ima pravo da bude imenovano, postavljeno, odnosno raspoređeno na radno mjesto u organima uprave Brčko distrikta BiH za koje ispunjava propisane uslove.

9) Po okončanju mandata, namjera za rad na odgovarajućem radnom mjestu u organima uprave Brčko distrikta BiH, u smislu prethodnog stava ovog člana, podnosi se gradonačelniku u pisanoj formi. Prijava se mora podnijeti u roku od dvije (2) sedmice

nakon što okončanje funkcije predsjednika, zamjenika predsjednika i člana Komisije stupi na snagu. Nakon isteka tog perioda, pravo na prijavu prestaje. Od gradonačelnika se zahtijeva da odgovori na zahtjev za rad na odgovarajućem radnom mjestu u roku od dvije (2) sedmice nakon podnošenja zahtjeva.»

## **Član 2**

Ovaj zakon stupa na snagu u roku od 8 dana od dana objavljivanja u «Službenom glasniku Brčko distrikta BiH».

**Босна и Херцеговина**  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
**СКУПШТИНА БРЧКО ДИСТРИКТА**

**Bosna i Hercegovina**  
**BRČKO DISTRIKT**  
**BOSNE I HERCEGOVINE**  
**SKUPŠTINA BRČKO DISTRIKTA**

Broj: 0-02-022-343/04  
Brčko, 30. septembar 2004. godine

**PREDSJEDNIK**  
**SKUPŠTINE BRČKO DISTRIKTA**

**Mirsad Đapo, dipl. pravnik**

This document was created with Win2PDF available at <http://www.daneprairie.com>.  
The unregistered version of Win2PDF is for evaluation or non-commercial use only.